

BOSNA I HERCEGOVINA
FEDERACIJA BOSNE I HERCEGOVINE
KANTON SARAJEVO
OPĆINSKI SUD U SARAJEVU
Broj: 65 0 St 1018292 23 St
Sarajevo, 17.07.2024. godine

Općinski sud u Sarajevu, stečajni sudija Ivana Kulić, u stečajnom postupku nad privredni društvom „KIRA&A“ d.o.o. Sarajevo, ulica Igmanska broj 45, Vogošća, Sarajevo, van ročišta dana 17.07.2024. godine, donio je sljedeće:

R J E Š E N J E

- Zaključuje se stečajni postupak nad imovinom stečajnog dužnika „KIRA&A“ d.o.o. Sarajevo, ulica Igmanska broj 45, Vogošća, Sarajevo, MBS: 65-01-0128-09, JIB 4201417780009, broj glavnog računa: 3060390000821977 otvoren kod Addiko Bank d.d.
- Ovo rješenje ima se objaviti u Službenim novinama FBiH, na oglasnoj ploči ovog suda, na web stranici ovog suda, te dostaviti FIA.
- Po pravosnažnosti ovog rješenja, isto se ima dostaviti Odjeljenju registra pravnih lica Općinskog suda u Sarajevu, radi brisanja stečajnog dužnika iz sudskog registra MBS: 65-01-0128-09, JIB 4201417780009.
- Obavještavaju se stečajni dužnik, stečajni upravnik i povjerioci da pravne posljedice zaključenja stečajnog postupka nastupaju 8 dana nakon objavljivanja ovog rješenja u Službenim novinama FBiH.

O b r a z l o ž e n j e

Rješenjem ovoga suda broj gornji od 20.02.2024. godine otvoren je stečajni postupak nad imovinom stečajnog dužnika „KIRA&A“ d.o.o. Sarajevo, ulica Igmanska broj 45, Vogošća, Sarajevo, MBS: 65-01-0128-09, JIB 4201417780009.

Na ispitnom ročištu i skupštini povjerilaca održanim dana 15.05.2024. godine stečajni upravnik ispitao je prijave potraživanja, te izjašnjavajući se o ekonomskom stanju stečajnog dužnika predložio da se stečajni postupak zaključi zbog nedostatka stečajne mase shodno članu 196. Zakona o stečaju FBiH (u daljem tekstu ZS). O navedenom prijedlogu izjasnili su se prisutni povjerioci na skupštini koji su izjavili da su saglasni sa ovim prijedlogom.

Imajući u vidu naprijed navedeno, a primjenom člana 196. stav 3. ZS-a, a u vezi sa članom 60. i 102. istog zakona, sud je javnim pozivom od 15.05.2024. godine pozvao sve povjerioce i zainteresovana lica da u roku od 30 dana uplate predujam u iznosu od 1.250,00 KM za nastavak vođenja stečajnog postupka. Javni poziv objavljen je na web stranici suda i na oglasnoj ploči Suda i u Službenim novinama FBiH broj 39 od 29.05.2024. godine. U ostavljenom roku niko od povjerilaca, niti zainteresovanih lica, nije uplatio predujam za dalje vođenje stečajnog postupka.

Imajući u vidu naprijed navedeno, a primjenom člana 196. ZS-a sud je donio odluku o zaključenju stečajnog postupka.

STEČAJNI SUDIJA
Ivana Kulić

POUKA: Protiv ovog rješenja dozvoljena je žalba. Žalba se podnosi Kantonalnom sudu u Sarajevu putem ovog suda u 3 (tri) primjerka, u roku od 8 dana po proteku 5 dana od objave rješenja u „Službenim novinama FBiH“.